

উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা (Principles of Disclosure of Material Information and Price Sensitive Information)

মূল্য সংবেদনশীল তথ্য (Price Sensitive Information)

উল্লেখযোগ্য তথ্যসমূহ (Material Information) এর মধ্যে যে সকল তথ্যে তালিকাভুক্ত সিকিউরিটি বা ফান্ডের ইউনিটের মূল্য সংবেদনশীলতা রহিয়াছে বা যে সকল তথ্য কোনো যুক্তিসংগত বিনিয়োগকারীর বিনিয়োগ সিদ্ধান্ত গ্রহণের ক্ষেত্রে প্রভাবক হিসেবে বিবেচিত হইতে পারে সেসকল তথ্য মূল্য সংবেদনশীল তথ্য (Price Sensitive Information) হিসেবে বিবেচিত হইবে।

মূল্য সংবেদনশীল তথ্য হিসাবে, অন্যান্যের মধ্যে, নিম্নবর্ণিত তথ্যাবলী গণ্য হইবে, যথা:

- আর্থিক অবস্থা সম্পর্কিত প্রতিবেদন, আর্থিক অবস্থার ফলাফল বা এতদসংক্রান্ত মৌলিক তথ্য;
- লভ্যাংশ ও কর্পোরেট ঘোষণা সংক্রান্ত তথ্য;
- কর্পোরেট কাঠামো পরিবর্তন সংক্রান্ত তথ্য; যথা- একীভূতকরণ, বিভক্তিকরণ (Demerger), অধিগ্রহণ, অবসায়ন, রূপান্তর বা হস্তান্তর সংক্রান্ত তথ্য;
- পুঁজি কাঠামো (Capital Structure) পরিবর্তন সংক্রান্ত তথ্য;
- ব্যবসায় কার্যক্রম সম্প্রসারণ, পরিবর্তন, ইত্যাদি সংক্রান্ত তথ্য;
- ফান্ড ব্যবস্থাপনা ও ফান্ডের কাঠামোগত পরিবর্তন সম্পর্কিত তথ্য;
- কমিশন কর্তৃক প্রণীত বা অনুমোদিত বা জারীকৃত অন্য কোনো বিধিমালা বা প্রবিধানমালা বা আদেশ বা নির্দেশ বা প্রজ্ঞাপনে মূল্য সংবেদনশীল তথ্য হিসেবে নির্ধারিত কোনো তথ্য।

উল্লেখযোগ্য তথ্য (Material Information)

উপরোক্ত মূল্য সংবেদনশীল তথ্য ব্যতীত নিম্নবর্ণিত অন্য সকল তথ্য উল্লেখযোগ্য তথ্য (Material Information) হিসেবে গণ্য হইবে এবং ওয়েবসাইটে প্রকাশিত গণ্য হইবে, যথা:

১। আর্থিক অবস্থার পরিবর্তন সংক্রান্ত প্রভাবক, যেমন:

(ক) আর্থিক বিবরণীর পরিবর্তন, যেমন- আয়, ব্যয়, নগদ প্রবাহ, প্রাপ্য, দায় বা সম্পদ ইত্যাদির উল্লেখযোগ্য হ্রাস বা বৃদ্ধি ও অধিকাংশ বা উল্লেখযোগ্য সম্পদের পুনর্মূল্যায়ন বা উল্লেখযোগ্য হ্রাস-বৃদ্ধি বিষয়ক কোনো তথ্য বা বিবৃতি বা মন্তব্য;

(খ) আর্থিক বিবরণীর নিম্নোক্ত তুলনামূলক তথ্যাদিঃ

(অ) শেয়ার/ইউনিট প্রতি আয়;

(আ) শেয়ার/ইউনিট প্রতি নীট পরিচালনাগত নগদ প্রবাহ;

(ই) শেয়ার/ইউনিট প্রতি নীট সম্পদ মূল্য;



সাউথ বাংলা এগ্রিকালচার এন্ড কমার্স ব্যাংক লিঃ

- (গ) ইস্যুয়ার (সাউথ বাংলা এগ্রিকালচার এন্ড কমার্স ব্যাংক লিঃ) এর অথবা ফান্ডের সম্পদের মূল্য অথবা সম্পদের সংমিশ্রণের উল্লেখযোগ্য পরিবর্তন;
- (ঘ) প্রভিশন সংরক্ষণ সম্পর্কিত সংশ্লিষ্ট ইস্যুয়ার (সাউথ বাংলা এগ্রিকালচার এন্ড কমার্স ব্যাংক লিঃ) এর নিয়ন্ত্রণকারী কর্তৃপক্ষ কর্তৃক কোনো বিশেষ নির্দেশনা বা পূর্বে প্রদত্ত কোনো বিশেষ নির্দেশনার কোনো পরিবর্তন; এবং
- (ঙ) ইস্যুয়ার (সাউথ বাংলা এগ্রিকালচার এন্ড কমার্স ব্যাংক লিঃ) এর অথবা ফান্ডের একাউন্টিং পলিসির কোনো পরিবর্তন, ইত্যাদি।

২। কর্পোরেট ঘোষণা সংক্রান্ত তথ্যাদি, যেমন:

- (ক) লভ্যাংশ সংক্রান্ত যে কোনো সিদ্ধান্ত;
- (খ) সিকিউরিটিহোল্ডারগণকে রাইট, বোনাস ইস্যুর ঘোষণা বা ইস্যু করা বা অনুরূপ সুবিধা প্রদানের সিদ্ধান্ত;
- (গ) বিনিয়োগকারীদের প্রাপ্যতা সম্পর্কিত কর্পোরেট ঘোষণা বা অন্য কোনো তথ্য; এবং
- (ঘ) লভ্যাংশ বিতরণ পলিসি পরিবর্তন, ইত্যাদি।

৩। কর্পোরেট কাঠামো পরিবর্তন সংক্রান্ত তথ্যাদি, যেমন:

- (ক) বিদ্যমান সম্পদের ৫% বা তাহার বেশি কোনো সম্পদের অধিগ্রহণ বা অবসায়ন;
- (খ) কোম্পানির সহিত অন্য কোম্পানির একীভূতকরণ বা কোনো কোম্পানির উল্লেখযোগ্য শেয়ার অর্জন ও অধিগ্রহণ, ইত্যাদি;
- (গ) কোম্পানির কোনো ইউনিটকে বিভক্তিকরণ (Demerger);
- (ঘ) কোম্পানির কোনো ইউনিটের রূপান্তর বা অবসায়ন;
- (ঙ) ক্যাপিটাল রিঅর্গানাইজেশন বা একীভূতকরণ বা বিভক্তিকরণের মাধ্যমে কর্পোরেট কার্যক্রমের পরিবর্তন;
- (চ) কোনো কোম্পানির কর্তৃত্ব গ্রহণ (টেক-ওভার) প্রস্তাব বা অভ্যন্তরীণ সেবার অধিগ্রহণ প্রস্তাব;
- (ছ) কোম্পানির নিয়ন্ত্রণে প্রভাব ফেলতে পারে এইরূপ মালিকানার পরিবর্তন; এবং
- (জ) নাম বা ঠিকানা পরিবর্তন, ইত্যাদি।

৪। পুঁজি কাঠামো পরিবর্তন সংক্রান্ত তথ্যাবলি, যেমন:

- (ক) সিকিউরিটির প্রাইভেট বা পাবলিক বা রাইটস অফার অথবা এর পুঁজি কাঠামোর পরিবর্তন সংক্রান্ত কোনো সিদ্ধান্ত;
- (খ) সিকিউরিটি বা ফান্ডের ইউনিট পরিকল্পিতভাবে পুনঃক্রয় বা রিডেমপশন;
- (গ) যে কোনো শেয়ার কনসোলিডেশন, শেয়ার বিনিময়, কোনো সিকিউরিটিকে ইকুইটি সিকিউরিটিতে রূপান্তর অথবা ঋণপত্রকে শেয়ারে রূপান্তর সংক্রান্ত সিদ্ধান্ত; এবং
- (ঘ) সিকিউরিটিহোল্ডারদের অধিকার সংক্রান্ত উল্লেখযোগ্য পরিবর্তন, ইত্যাদি।



সাউথ বাংলা এগ্রিকালচার এন্ড কমার্স ব্যাংক লিঃ

৫। ব্যবসা কার্যক্রমের সম্প্রসারণ, পরিবর্তন ইত্যাদি সংক্রান্ত তথ্যাদি, যেমন:

- (ক) কোম্পানির প্রযুক্তি, উৎপাদন বা স্থাপনা সম্পর্কিত উল্লেখযোগ্য কোনো উন্নয়ন বা পরিবর্তন;
- (খ) উল্লেখযোগ্য পুঁজি বিনিয়োগ অথবা প্রতিষ্ঠানের উদ্দেশ্যের উল্লেখযোগ্য পরিবর্তন;
- (গ) উল্লেখযোগ্য নতুন চুক্তি, উৎপাদন, প্যাটেন্ট, সেবা অথবা ব্যবসায়িক পরিবর্তন;
- (ঘ) দীর্ঘমেয়াদী অনাদায়ী তহবিলের উল্লেখযোগ্য আদায়;
- (ঙ) প্রধান নির্বাহী, সিইও, সিএফও, কোম্পানি সচিবসহ পরিচালনা পর্ষদ এর পরিবর্তন বা পদত্যাগ বা পদচ্যুতি;
- (চ) বিধিবদ্ধ নিরীক্ষক বা কর্পোরেট গভর্নেন্স কমপ্লায়েন্স অডিটর, ক্রেডিট রেটিং কোম্পানির পরিবর্তন;
- (ছ) লিগ্যাল প্রসেডিংস শুরুকরণ বা রেগুলেটরী বিষয়াদির উন্নয়ন অথবা কোনো উল্লেখযোগ্য রায় বা আদেশ;
- (জ) স্টক এক্সচেঞ্জ হইতে সিকিউরিটি বা ফান্ডের ইউনিটের তালিকাচ্যুতি বা এক ক্যাটাগরি হতে অন্য ক্যাটাগরিতে পরিবর্তন;
- (ঝ) উল্লেখযোগ্য ম্যানেজমেন্ট কন্ট্রোল, ইনভেস্টরস রিলেশন এগ্রিমেন্ট, সার্ভিস এগ্রিমেন্ট, অথবা রিলেটেড পার্টি ট্রানজেকশন যাহা আর্থিক বিবরণীকে উল্লেখযোগ্যভাবে প্রভাবিত করিতে পারে এইরূপ কোনো চুক্তি;
- (ঞ) কোনো স্থায়ী সম্পত্তি ক্রয় বিক্রয়ের সিদ্ধান্ত বা প্লান্ট বা মেশিনারীর সংস্কার বা উন্নয়ন বা সম্প্রসারণ (BMRE) বা নূতন ইউনিট স্থাপন সংক্রান্ত তথ্য; এবং
- (ট) আন্তঃকোম্পানি বা সাবসিডিয়ারী বা সহযোগী প্রতিষ্ঠানের মধ্যে উল্লেখযোগ্য অগ্রিম বা ঋণ প্রদান বা গ্রহণ বা পরিচালকের সাথে ঋণ আদান-প্রদান, ইত্যাদি।

৬। ঋণ ব্যবস্থাপনা সম্পর্কিত তথ্যাদি, যেমন:

- (ক) পরিশোধিত মূলধন বা নীট সম্পদ মূল্যের মধ্যে যাহা অধিক তাহার ২৫% বা তাহার বেশি পরিমাণ ঋণ গ্রহণ ও পরিশোধ;
- (খ) উল্লেখযোগ্য সম্পদ দায়বদ্ধকরণ অথবা দায়মুক্তকরণ;
- (গ) কোনো ব্যাংক বা পাওনাদার বা ঋণপত্রের দায় বা দেনা পরিশোধে ০৬ (ছয়) মাসের অধিক সময়ের ব্যর্থতা;
- (ঘ) উল্লেখযোগ্য নতুন ঋণ চুক্তি; এবং
- (ঙ) বৈদেশিক ঋণ চুক্তি বা বিনিয়োগ চুক্তি, ইত্যাদি।

৭। ফান্ড ব্যবস্থাপনা ও কাঠামো পরিবর্তন সম্পর্কিত তথ্যাদি, যেমন:

- (ক) ফান্ডের মেয়াদ বর্ধন-কর্তন;



SBAC Bank Limited

Head Office: BSC Tower, 05th-16th Floor, 2-3 Rajuk Avenue, Motijheel C/A, Dhaka-1000, Bangladesh, Phone: +88 02 223357207-11, Fax: +88 02 223357212, SWIFT: SBACBDDH

সাউথ বাংলা এগ্রিকালচার এন্ড কমার্স ব্যাংক লিঃ

- (খ) ফান্ডের অবসায়ন;
- (গ) ফান্ডের রূপান্তর;
- (ঘ) কোনো একক সিকিউরিটিতে ফান্ডের ১০% বা তাহার বেশি বিনিয়োগ;
- (ঙ) কোনো উল্লেখযোগ্য বিনিয়োগ নগদায়নে লাভ বা ক্ষতি; এবং
- (চ) ফান্ডের ট্রাস্টার গঠন, ট্রাস্ট দলিলের কোনো পরিবর্তন, ইত্যাদি।

৮। অন্যান্য, যেমন:

- (ক) কোনো গুরুত্বপূর্ণ চুক্তি স্বাক্ষর বা পূর্বে ঘোষিত/ স্বাক্ষরিত চুক্তি বাতিল বা উল্লেখযোগ্য সংশোধন;
- (খ) কোম্পানি বা ইস্যুয়ার (সাউথ বাংলা এগ্রিকালচার এন্ড কমার্স ব্যাংক লিঃ) এর উল্লেখযোগ্য কোনো সম্পদের ক্ষতি বা উহার ভাবমূর্তি ক্ষুণ্ণকারী কোনো ঘটনা;
- (গ) পূর্বে ঘোষিত কোনো প্রকল্প বাতিল বা উহার উল্লেখযোগ্য সংশোধন; এবং
- (ঘ) ইস্যুয়ার (সাউথ বাংলা এগ্রিকালচার এন্ড কমার্স ব্যাংক লিঃ) এর বা ফান্ডের অডিটর কর্তৃক কোয়ালিফাইড প্রতিবেদন দাখিল, ইত্যাদি।

